

आकाशवाणी

पैहले खास-खास खबरां:-

1. केन्द्री रेलमंत्री अश्विनी वैष्णव होरें आखेया जे मुम्बई-अहमदाबाद बश्कार पैहली बुलेट ट्रेन 15 अगस्त 2027 च चलोग।
2. प्रधानमंत्री नरेन्द्र दी होर कल नर्मी दिल्ली भगवान बुद्ध हुंदे कन्नै सरबन्धी पवित्र Piprahwa अवशेषें दी बड्डी अंतराश्ट्रीय प्रदर्शनी दा उदघाटन करगंन।
3. भारतीय फौज दा पशु दस्ता पैहली बारी गणतंत्र दिवस 2026 दी परेड च हिस्सा लैग।
4. स्वीजरलैंड दे Crans –Montana Bar च नर्म बरे दी संजा अग्ग लग्गनें ते धमाके आहली दुर्घटना च 40एं जनें दी मौत होई गई जदकि 115 होर घाल होई गे।
5. आर्थिक तंगियें कारण बदा रदे विरोध-प्रदर्शनें ते अशांति कारण ईरान च केंड्रियें जनें दी मौत होई गई ऐ।
6. राश्ट्री खेड्ड प्रशासन कानून लागू होई गया ऐ। एहदे कन्नै खेड्डें सरबन्धी बोर्ड ते Tribunal स्थापित करने दी पथ पदरी होई गई ऐ।

<><><><><><>

Ashwini Bullet Train

रेल मंत्री अश्विणी वैष्णव होरें ऐलान कीता ऐ जे भारत गी ओहदी पैहली बुलेट ट्रेन 15 अगस्त 2027 गी हासल होग। कल नर्मी दिल्ली च आयोजित

संवाददाता सम्मेलन दे दरान इक सोआला दा परता दिंदे होई वैष्णव होरें आखेया जे अहमदाबाद ते मुम्बई बश्कार भारत दी पैहली बुलेट ट्रेन परियोजना जेरे-तामीर ऐ। उनें दस्सेया जे सूरत थमां बिलिमोरा आली सैक्शन सब्बनें शा पैहले चालू कीता जाहग ते ओहदे मगरा वापी थमां सूरत आहला हिस्सा लोकें गी समर्पित कीता जाहग। रेल मंत्री होरें इब्बी ऐलान कीता जे देशे दी पैहली “वंदे भारत” स्लीपर ट्रेन बड़ी तौले गै गुवाहाटी ते कोलकाता बश्कार सेवा शुरु करोग। वैष्णव होरें गलाया जे प्रधानमंत्री नरेन्द्र मोदी अगले 15एं- 20एं दिनें दरान एहदा उदघाटन करगंन।

<><><><><><>

PM Relics

प्रधानमंत्री नरेन्द्र मोदी होर कल नमीं दिल्ली च Rai Pithora सांस्कृतिक काम्पलैक्स च भगवान बुद्ध हुंदे कन्ने सरबंधी पवित्र पिपरावा अवशेषे दी बड़ी अंतराश्ट्री प्रदर्शनी दा उदघाटन करगंन। इस प्रदर्शनी च पैहली बारी लगभग इक सदी पैहले पिपरावा थमां मिले दे पवित्र अवशेषे गी राश्ट्री Museum नमीं दिल्ली ते Indian Museum कोलकाता च सम्भालिये रखेया गया हा। प्रधानमंत्री हुंदे दफ्तरै इक ब्यानै च आखेया जे 1898 च खोजे गेदे पिपरावा अवशेष बौद्ध दी पुरातत्व सरबंधी शोध गितै केन्द्री थाहर ऐ।

<><><><><><>

Army Animal Contingent

औंदे गणतंत्र दिवस दी परेड दौरान भारतीय फौज दा पशु दस्ता पैहली बार कर्तव्य पथ पर मार्च करोग। ए दस्ता देशे दे सब्बनें शा चुनौतीपूर्ण इलाके च फौजी अभियानें दे दौरान पशुएं दी महत्वपूर्ण भूमिका गी प्रदर्शित करोग।

इस दस्ते च भारतीय फौज लेई सेवा देया करदे ऊंट- खच्चर- बाज ते कुत्ते शामिल होगंन। भारतीय सेना नै आक्खेया ऐ जे फौज दी रीमाउंट ते वैटनरी कोर दा ए विशेष पशु दस्ता देशे दे बन्ने दी हिफाजत च इनें पशुएं दे योगदान पर लौस पाग। इस दस्ते दी अगुआई लद्दाख च हाल च गै फौजी अभियानें च शामिल कीते गेदे वैक्टरियन प्रजाति दे ऊंटे आसेया कीती जाग। इस परेड दा इक विशेष आकर्षण फौजी कुत्ते होगंन जिनेंगी भारतीय सेना दे मूक योद्धा यानि सायलंट वारियर आक्खेया जंदा ऐ। इनें विशेष फौजी कुत्ते गी मेरठ च स्थित RVC सेंटर ते कालेज आसेया सिखलाई देइयै त्यार कीता गेदा ऐ। ए कुत्ते आतंकवादी रोधी अभियानें- विस्फोटके ते बरुदी सुरंगें दा पता लाने ते होरनें बक्ख-बक्ख कारवाइयें च भारतीय फौज दी मदाद करदे न।

<><><><><><>

VP TN Visits

उपराश्ट्रपति सी.पी. राधाकृष्णन अज्जै थमां तमिलनाडू दे दंडु दिनें दे दौरे पर होगंन ते इस दरान ओह चेन्नेई ते वेल्लोर च केई समारोहें च हिस्सा लैगंन। उपराश्ट्रपति होर इक दीक्षांत समारोह च शामिल होगंन ते ग्रैजुएट होआ रदे विद्यार्थियं गी सम्बोधित बी करगंन। मगरा उपराश्ट्रपति होर रामनाथ गोइंका साहित्य सम्मान समारोह च बी शामिल होगंन। ओह कलाईवनार अरंगम च इक

सार्वजनिक कार्यक्रम च हिस्सा लैगंन ते चेन्नेई लोकभवन च तमिनाडू दे गवर्नर हुंदे आसेया आयोजित इक नागरिक सुआगत कार्यक्रमै च बी शिरकत करगंन।

<><><><><><>

Switzerland Explosion

स्वीज़रलैंड च नमें बरे दे आगमन गी मनाने लेई Valais Canton थाहर Crans – Montana Ski Resort दे Le Constellation Bar च अग्ग लग्गने मगरा होए दे धमाके च लगभग 40 जनें दी मौत होई गई जदकि 115 होर घालs होई गे। पुलस नै आखेया जे बचाव दलें हैलिकाप्टरे ते एम्बुलेंसें गी घटना आहली थाहर भेजेया गया ऐ ते घालें गी इलाज लेई Sion ते होरनें शैहरें दे हैलिकाप्टरें च पुजाया गया ऐ।

<><><><><><>

Iran Protests

ईरान च आर्थिक तंगी ते बदा रदी महंगाई दौरान मुल्खै च होए विरोध-प्रदर्शनें ते अशांति कारण केंड्रियें जनें दी मौत होई गई ऐ। ईरान दे मीडिया नै केंड्रियें थाहरें च मौतां होने दी तस्दीक कीती ऐ जेदे च Lordegan दे पच्छिमी शैहर ते Isfahan दा केन्द्रीय सूबा बी शामिल ऐ। इनें थाहरें पर केंड्रियें जगह कल सुरक्षाबलें ते प्रदर्शनकारियें बश्कार जबरदस्त टाकरा होआ हा।

<><><><><><>

National Sports Governance Act

अज्जै थमां राश्ट्रीय खेड्ड प्रशासन कानून लागू होई गया ऐ- जेदे कन्नै राश्ट्रीय खेड्ड बोर्ड ते Tribunal स्थापित करने दी बत पदरी होई गई ऐ। इस कानून कन्नै सरकार गी मुख्यें दे खेड्ड प्रशासन गी नमें सिरेया त्यार करने दा इखतेयार थोई गया ऐ। इस कानून दे नमें प्रावधानें तैहत हून नमीं कार्यकारी कमेटियें दे मिम्बरें दी सीमा 15 तोड़ी करी दिती गई ऐ ते इनें मैम्बरें च घट्टो-घट्ट 2 खडारियें गी शामिल बी करना होग।

<><><><><><>

Govt. Tobacco

सरकारै इस बरे पैहली फरवरी थमां तम्बाकू उत्पादें पर बादू उत्पाद शुल्क लाने ते पान-मसालें पर नमां उप-कर लाने दी अधिसूचना जारी करी दिती ऐ। तम्बाकू ते पान-मसालें पर एह नमें शुल्क- वस्तु ते सेवा कर- जी.एस.टी दे इलावा होगन। पैहली फरवरी थमां पान मसाला- सिगरेट- तम्बाकू ते इस किस्मै दे उत्पादें पर 40 फीसद ते बीड़ी पर 18 फीसद जी.एस.टी लगगा करोग।

<><><><><><>

LPG Prices

पैट्रोलियम ते कुदरती गैसैं सरबन्धी मंत्रालय नै स्पष्ट कीता ऐ जे घरेलू उपभोक्ताएं लेई घरेलू एल.पी.जी सलैंडरें दे भाएं च कोई बदलाव नैई कीता गया ऐ। एह स्पष्टीकरण मीडिया दियें किश रिपोर्टें दे मगरा सामने आया ऐ जिंदे च एह दावा बन्नेया गया हा जे बवसायिक एल.पी.जी सलैंडरें दे भाएं च 111 रपें दा बाददा कीता ऐ।

<><><><><><>

Fast Tag

राश्ट्री जरनैली शिड़क सरबन्धी भारती प्राधिकरण एन.एच.ए.आई नै अज्ज आखेआ ऐ कि अगले म्हीने दी पैहली तरीक सवां सब्बै नमें फास्टैग जारी करने लेई कारें दे Know your vehicle यानि KYV कार्ड बंद करी दिते जाडन। जरनैली शिड़क ते सड़क ट्रांसपोर्ट मंत्रालय नै आखेआ कि एह कार्रवाई जरनैली शिड़कें पर गड्डी चलाने आहले दी सुविधा ते फास्टैग एकटीवेशन दे बाद पेश औनी आहली परेशानी गी खत्म करने लेई कीती गई ऐ। मंत्रालय नै इब्बी आखेआ ऐ जे छड़े शकैत आहले विशेष मामले च गै KYV कार्ड जरूरी होग ते जेकर कोई शकैत नेई थहोदी तां मजूदा कार फास्टैग लेई KYV कार्ड दी लोड़ नेई होग।

<><><><><><>

PM- Kumar Cycling

प्रधानमंत्री नरेन्द्र मोदी होरें बैंगलुरु थमां कन्याकुमारी तोड़ी साईकल उप्पर जाने आहले एस. सुरेश कुमार दियें उपलब्धियें दी सराहना कीती ऐ। अपने सोशल मीडिया पोस्ट उप्पर प्रधानमंत्री होरें आखेया जे एह उपलब्धि न छड़ी सराहनेजोग ऐ बल्कि एस. कुमार हुंदे संकल्प ते दृढ़ निश्चय दा प्रमाण बी ऐ।

<><><><><><>